

Вазь кизено культураос киземын

Петунька сельсоветысь „Пахарь“ колхоз вазь кизено культураосты кизенээ 6-ти мае быдэстиз. Вочыз 365 гектар киземын. Со полысь: чабей—101 гектар, сезды—115, йыды—82, вика турылы—21, кожны—32 но етин—14 гектар киземын. Зечлыкез эскерись комиссилэн учкемезья, киземлэн зечлыкез умой.

Кизен вакытэ массовой уж умой пунктэмын вал. Беседаос но иззеп лыдонзес вискартэк ортчылизы. Ужез вазьматись но гурдсьод пулзес кажной бригадын умой ужазы. Кизенын труд шонер организовать каремын вал. Колхознкъес гуртазы сион постылыса дырзэс оз быдтылэ, соос столовойн сисыкылизы.

Колхозлэн председателез М. ШИРОБОКОВ.

Зечлыкез эскерись комиссилэн председателез А. ШИРОБОКОВ


Сельсоветлэн членээ Р. ШИРОБОКОВ

Таркторез сылтись Соколовез чурит шымыртоно

Шаркан МТС-лэн 2-ти бригаданьсытыз тракторист Соколов Федор 4-ти мае кыктэти сменаын гырыкуз 12 час интые 4 час гинэ гырем. Сое но зечлыкез эскерись комиссия оз куты. Урод гыременыз, вылысь гырыны косыз.

Ужез тазы луэм: плугзэ эскерымтэеныз автома-

тысьтыз кортчогец киргам. Кортчогец запасноез вылымтэ. Озын бере, Соколовлы бригадир доры мыныны кулэ вал. Бригадир доры ветлыса, 20 минут гинэ трактор сылсал. Нош Соколовлэн бригадир доры ветлэмез потымтэ, соин ик, тракторез борды аналтскыса, 8 час ужатэк сылиз. ИВ.



Бесхозяйственной Соколов мар карны валатэк тракторез бордын сылэ.

Етинэз дун'ямтэ мылкыд пазьгемын луны кулэ

Мувыр сельсоветысь „Маяк“ колхоз туэ гектарысь 7 центнерлэсь но вылтй етин мертчан басытыны обязательство сётыз. Кызы, бен, колхоз обязательствоэз быдэстон бордын ужа? Ме-Чак верано луэ, нокрызы но уг. Етин кизёнээ ортчытыны понна, трос ужрад'ёсты ортчытыны, колхозлэн председателез Перевозчиков ответственнос вис'ямын. Перевозчиков, со ответственностьсэ быдэстон борды чик оз кутскылы на.

Перевозчиков „Етин кизыны вуом ай, соин йырин ёвёл“,—шуса, етин кизён котыре 6-ти маёз чик оз кутскылы на. Ассэ буйгатыса уламеныз, етин кидысэз протравливать карны бочка но оз лэсты на. Етин кидысэз одно ик бочкаын протравливать кароно. Сое Перевозчиков валамтэ. Ящикын гинэ протравить карны малпа.

Етин кизёнээ но протравить каронээ татчыозь кыстэмез кужым ёвёлэн валэтыны уг луы. Етин звенолэн член'ёсыз кудиз тысё культура кизыны вис'ямын, кудиз пастухын ужало, нош кудиз чик ужтэк ёрмыса гуртазы вёт-вёт пуко. Та ужез кыстэм, колхоз председателэсь етинэз дун'ямтээ, сое кыктэти планэ кельтэмзэ, возьматэ.

Етин кизёнэн сельсовет но МТС туж урод кивалто. „Маяк“ колхозлэсь етин кизыымтэзе соос тодо ке но, нокрыче ужрад'ёс оз кутылэ на. Азыланыз тазы ужаны уг луы.

ВЕРЕЩАГИН.

Синэз сак возено

„Асьмелэн азьлань мынэм-мыя классовой нюр'яськон-мы асьмелэн ялан уногес но уногес кысоно, пе, луоз, асьмелэн азинскем'ёсмыя классовой тушмон пумен но пумен ручнойгес, пе, луэ шуон сисьмем теориез пазыгыны но копак палэнэ куштыны кулэ.

Со—сисьмем теориен гинэ уг луы, озы ик кышкыт луйсь теориен но луэ. Малы ке шуоно, со асьме адямиосмес умме уськытэ (усыпляет), соосты капканэ пыртэ, нош классовой тушмонлы советской властен нюр'яськон понна оправиться кариськыны луонлык сётэ.

Наоборот, макем ке трослы азьлань мыном, азинскем'ёсмы макем ке трослуизы, эксплуататорской класс'ёслэн кылем-мылём'ёссы сокем ик трос сьосьяскызы, сокем ик соос нюр'яськонлэн тужгес но лэчыт луйсь формаосыз доры мынозы, соос сокем ик советской государствовлы тросгес пакостить карозы, соос сокем ик нюр'яськонлэн отчаянной средствоосыз борды, обреченной мурт'ёслэн берло средствоосыз борды кадь, сокем тросгес кутскозы...“ (Сталин)

Сталин эшлэн верамысьтыз Сосновка сельсоветысь кандидатской группа валамтэ. Кикылэн одйг куаранен кесяськемез сямен, трибуна вылысен ым котыразы шуки потыса бдитель-

Бушмакин массовой ужез кулээн уг лыд'я

Титово сельсоветысь „Козино“ колхозын ужась тракторной бригадалэн бригадирез Бушмакин, ас ужез шоры нокиче ответственностьтэк учке. Бушмакин егит тракторист'ёс пушкын одйг пичи но массовой валэктон уж уг нуы. Берман эшлэн радиограммаез кажной трактористлы пыр-почтодмо луыны кулэ вал. Нош татын сое проработать карон борды кутскылымтэ на.

ность сярись верасько. Нош асьсэос нырулыса уло, даже соослэн өвёл спосэбностьсы классовой тушмонлэсь, стахановец'ёсты оградигь карыны но соослы юрттэт сётыны.

Кандидатской группалэн но сельсоветлэн нырулысьтызы „Липовка“ колхозысь стахановка—Иванова Анастасиез классовой тушмонлэн мед'ям муртэзлы Ардашев Семёнлы—лодырлы жугны сёто.

Та факт, Сосновка сельсоветысь кандидатской группалэсь массаен герзаськымтээ но классовой тушмонлэн вотэсэныз вотсаськыса номыре адзымтээс възьматэ.

Сталин эшлэсь верамээ уж вылын быдэстыны понна, массаез одйг но вунэтоно өвёл. Сосновка сельсоветын луэм ужысь вань первичной партийной организациослы, сельсовет'ёслэн председательёссылы урок кароно. Районысь стахановец'ёслы но стахановкаослы Ленинлэн—Сталинлэн партиез котыре юн бинялтскыса, классовой тушмонэз тодманы быгатоно, солэн котыкыче действиезлы пезьдэт сётыны быгатоно.

Колхозник-стахановец'ёс но стахановкас! Эшшо но кужмогес кужымдэс огазаялэ! Вань колхозник'ёслы одйг мылкыдэн тулыс кизён кампаниез вакчи дырын быдэстонэ вань сюлэмзэс поныса кутсконо.

М. О. Н.

Пиналзэ сантэмаса улэ

Кык в а сельсоветысь „Кыква“ колхозысь колхозница Меньшикова одйгетй классын дышетскись пиналзэлы дышетскыны умой условие уг сёты. Колхозмыным нянь уг сёты шуса, пиналзэ дугдылытэк жугыса, дорысьтыз улляны туртыса улэ. Кезыт куазен пиналзэ педлотй гольык пьд нуллэ.

Меньшиковалэн сыче пичи пиналзэ сантэмамез но кытчы чидантэм. Меньшиковалы чурьт ужрад'ёс куттоно. **ЛОГИНОВ.**

Пинал'ёсты дышетыны уг сюлмасько

Вортча сельсоветысь „Ивановка“ колхоз пинал'ёсты дышетыны уг сюлмаськы. Ляльшур НСШ-ын дышетскись пинал'ёслы пось сион организовать каремын. Мукет колхоз'ёсысь пинал'ёс отын сисько. Нош „Ивановка“ колхоз школае нянь сётымтэеныз, пинал'ёссы сиськыны уг быгато. Озы нянь өвёлысь, дышетскись пинал'ёс уноез дышетсконзэс куштйзы ни.

Колхозлэн правлениез шонерак тазы шуэ: дышетскись пинал'ёслы сётытозь асьмеос сийм ке, умойгес луоз. „Ивановка“ колхозлэн таچه урод ужез дышетскисьёсты сантэмам луэ. **ЛОПАТИН.**

Кадр понна сюлмаськисьтэм мурт

Суруон сельсоветысь „Светлый путь“ колхозлэн председателез колхозаз кадр'ёсты йылтыны уг сюлмаськы. Кыче ке курс'ёс луо ке, со тазы шуэ: марлы токма гинэ ыстод, дышетскызы ке, монэ асме ик соос ужысь поттозы. Та колхозын котьмар уж бере кылемын. Колхозаз 19 эрвал'ёс чуны куштйзы ни. Кадр'ёсыз өвёл, сыче уж'ёсын кызы нюр'яськыны уг валало, зоокружок уг ужа. **КОНЮХ.**

Редактор ЩЕРБАКОВ.